

Shu phah Whatsapp ne Phone ha une u Number
8794745117
 Ki Classified Advertisement Ne kiwei ki Advertisement kiba phi kwah ban pynmih ha ka Kolkhubor
 Sa siew Online Payment

Mawphor

Khabor Khasi Ba Man Ka Sngi Ba Nyngkong

READINGTON Restaurant
Bed & Breakfast
 Mawlai Mawiong Rim Shillong, Meghalaya
 81320 00254 / 93781 87148 / 87875 66272

VOL. XXXVII (37) NO. 184 RNI REGD. NO. 70648/99 SHILLONG - 07 NAITUNG (JULY) SNGI HATMAJAI (TUESDAY) 2026 mawphor.com Postal Regn. No. NE - 851. 5/- TYNGKA

Ka Land Bill kan pynduh die jaka sha ki heh spah

Kumba la kular sha ki paidbah ngin ym shah da lei lei ban tih Uranium: EM Land

Shillong, Naitung 06: U Executive Member jong ka KHADC u Bah Powell Sohkhlet ha ryngkat ka jingdonlang u nominated MDC u Bah Mathew Makdoh na Nongpoh u la ong ba ka jingmynjur jong ka dorbar ka KHADC ia ka Khasi Hills Autonomous District (Regulation and Administration of Land) Bill 2026 ka long ban teh lakam ia ka jingioh thied jaka ba khlem buh pud ne ceiling jong



U EM Land bad Nominated MDC.

ki riew shimet heh spah ia ki jaka paidbah ne ri raid bad ha kajuh ka por ban ai lad ruh ia ki longiung kiba duk ki ym don lyngkhot jaka ba kin ioh lad ban shna ia ki iung jong ki ha ki ri raid.

Haba kren sha ki lad pathai khabor halor ki jingmih ki jingbym sngewthuh ne shah pynsngewthuh bakla halor kane ka Bill kaba iadei bad ka jingbuh pud ne Land Ceiling

Bteng sla 5

Kem ka CBI ia u Project Director ka NHAI halor ka jingkyngnoh ba dawa pisa 12 lak tyngka na u Kontraktor

Shillong, Naitung 06 : Ka Central Bureau of Investigation (CBI) ka la kem ia u Project Director ka National highway Authority of India (NHAI), Shillong ha ryngkat bad arngut ki riew paidbah haba iadei bad ka jingkyngnoh dawa pisa ba 12 lak tyngka haba iadei bad ka jingsiew pynkhuud ia ka bill ba sahteng u Contractor ba kot 13.38 klur tyngka.

Kat kum ka jingong ka CBI, ia kane ka case la register ha ka 1 tarik Naitung hadien ka jingioh pdiang ia ka jingujor ba kyngnoh ba une

u Heh ka NHAI ula dawa ia ka pisa ba 12 lak tyngka ban pynlait noh ia ka bill ba sahteng.

Ka CBI ka pyntip ba u nongmudui ula shah dawa ban siew nyngkong 4 lak tyngka kum ka jingsiew lypa lyngba ki nongpynbeit ha Guwahati.

Ka CBI kala pynap shrip bad kala ioh kem ia uwei na kine ki riew paidbah ba shah kyngnoh donkhi ha ka por ba u dang pdiang ia ka song pisa ba 4 lak tyngka ba dawa.

Hadien kane ka

Bteng sla 5

Lum jingialang u Myntri, MSPCB, trai karkhana bad ki nongialam shngong

Da ka Komiti thaw ka MSPCB ban weng ia ka jingjaboh ha Byrnihat bad kiba leh tam ki dei ban ngat



U Myntri lem bad ki ophisar ki tnad sorkar bapher bapher lem bad ki nongialam shngong haka jingialang bala long mynta ka sngi ha Byrnihat.

Nongpoh, Naitung 06: U Pollution Control Board, Meghalaya Industrial Development Corporation Limited, ki nongmihkhat naka Byrnihat Industries Association, ki nongialam shngong ban iathir bad iatai naka bynta ban weng iaka

Bteng sla 5

Ngansa iakren bad u Myntri Rangbah ban buh MSPCB Regional ophis ha Byrnihat: Sosthenes

Nongpoh, Naitung 06: U Bah Sosthenes Sohtun Myntri sorkar ba dei ruh u MLA ka Jirang u la ong ba la slem kala don ka jingkyrpad ban buh noh kawei ka Regional Officer jong ka tnad Meghalaya State Pollution Control Board ban peitngor iaka jingpynkheih kyndon ki karkhana ha Byrnihat.

Bteng sla 5

Bthah u Myntri ia u DC ban wad bria bad ai kaiphod haba iadei bad ki jingpang ha Byrnihat

Nongpoh, Naitung 06: Hadien ka jingkyngnoh jong ki nongialam shngong ba kyreni ka jingpang TB bad bampong bad kiwei ki jait jingpang haki shngong haka thaini Byrnihat haka jingialang kaba la long mynta ka sngi hapdeng u Myntri sorkar, ka tnad MSPCB, MIDC, ki bor district, kumjuh ruh ki Nongialam shngong hapoh ka lama ka Synjuk ki Rangbah Shngong Byrnihat Area, naka liang u Bah

Bteng sla 5

Kyntu ki paidbah Langpih ban pyntreikam biang ia ka VAOLC ha ka thaini

Nongstoñ, Naitung 06: Ka jingsangeh treikam jong ka synjuk jong ki rangbah shngong kaba nyngkong eh ha ka thaini Langpih kaba la tip kum ka Village Administrator Organisation Langpih Circle, ka la pynlong ia ki paidbah ba kin sah ha ka lyngngoh bad ka la pynlong ruh ia ki shngong ki thaw ba kin duh noh ia ka jingiatylli ha baroh ki liang.

Bun ki nongshng shngong katei ka thaini haba iakren bad u nongthoh khabor halor ka jinglong jingman jong ka thaini, ki la pynkynmaw ba ha ki snem ba la dep naduh ba ki nongsynshar shngong ka thaini ki la thaw ia ka VAOLC kaba la

Bteng sla 7

Haduh 80 hajar litar man ka sngi Yn pahuh um ka Lummawbah ba la treikam ka jaka plie umthymmai

Shillong, Naitung 06 : Ka jingsam ia ki Enumeration Forms (EFs) hapoh ka Special Intensive Revision (SIR)-2026 ha kylleng ki distrik jong ka jylla mynta ka la kot sha ka 8.62 lak ngut tang haduh mynta ka sngi Nyngkong, ong ka kyrwoh ba la pyllait na ka ophis treikam jong u Chief Electoral Officer ka Jylla ha kane ka sngi Nyngkong.

Katkum ka kyrwoh la iathuh ba haduh mynta ka sngi Nyngkong la dep ban sam haduh 8,62,594 tylli ki Form na ki 23,49,645 ngut ki nongthep vote kiba don ha ka jylla. Kumta lada khein kyllum, kumba 36.71 persen ka jingsam ia ki Enumeration Forms ka la dep ha ka jylla.

Bteng sla 7

Jan kot 1000 klur mang ka sorkar

Na ki 1607 tylli ki iingskul sorkar, palat 1391 ladep tei thymmai bad maramot

Shillong, Naitung 06 : Ka Sorkar Jylla ka la dep ban tei thymmai ne maramot pynbha haduh 1,391 tylli ki iung skul na ki 1,607 tylli ki skul Government Lower Primary (LP) School kiba la shah jied hapoh ka Mission Education, watla ka jingtrei ha ki 216 tylli ki skul ba dang sah ka dang iaid shakmat.

Katkum ka kyrwoh ba la pyllait da ka sorkar jylla hynne ka sngi Nyngkong la iathuh ba ia kane ka prokram la pyntreikam ha baroh 12 tylli ki distrik jong ka jylla bad

ka kynthup ia ki skul sorkar naduh ka kyrdan Lower Primary haduh Higher Secondary.

La iathuh ruh ba ka Sorkar ka la mang jan dap 1,000 klur na ka bynta ban tei thymmai, ban pynbha bad ban maramot ia ki iung skul, ha kaba ka tnad Pule Puthi ka dang bteng ban ioh ia mang pisa kaba heh tam ha ka mang tyngka jong ka jylla.

Hapoh ka Mission Education, ki kam maramot ki kynthup ia ka jingpynthymmai ia

Bteng sla 5

Ka Sorkar ka don ha syndah bad ki paidbah yn ym shah tih Uranium ha Meghalaya : Sniawbhalang Dhar

Shillong, Naitung 6 : U Symbud Myntri Rangbah ka jylla u Ma Sniawbhalang Dhar mynta ka Lah Sngi U Blei u la kren shai ba ka sorkar ka don ha syndah bad ki paidbah bad da lei lei ruh ym ym shah ban tih Uranium ha Meghalaya lada ki \paidbah ki ieng pyrshah.

U la ong ba ka sorkar ka ieng ha syndah ki paidbah halor kane ka kam bad kan ym don kano kano ka rai da kumwei pat hynrei ban ym shah ban tih ia une u mar poh khyndew ha kane ka jylla.

“ Ngi kren da kaba shai. Ngin ym shah tih Uranium namar ka sorkar ka don

ryngkat bad ki paidbah la ka long kumno kumno ruh ngin ym shah bad ngin iadon ryngkat beit bad ki paid nongshong shngong ka jylla” ong u ma Sniawbha haba iakren bad ki Nongthoh khabor.

Kane ka jingkyngnoh

Bteng sla 5

Ha u DC-EJHD uxor ka JNC-KC bym treikam bha ka jingsam jingbam ka SPN hapoh ka Distrik

Khliehriat, Naitung 06 : Mynta ka sngi ka Jaiñtia National Council, Khliehriat Circle hapoh ka jingialam u Working President u samla Diamon Bareh kala buh da ka jingujor sha u Deputy Commissioner jong ka East Jaiñtia Hills District halor ka jingthut treikam kaba jur jong ka Supplementary Nutrition Program (SNP) hapoh ka District.

Ka seng ka la pynpaw ba “Katkum ki jingbthah jong ka sorkar, ki khynnah kiba hapoh hynriew snem bad ki kynthei kiba armet bad kiba ai buñi ki don hok ban ioh ia ka jingbam tei met ban pyndap na ka bynta 25 sngi ha ka shibnai, kynthup ia ki jingbam ba la shet man ka sngi bad ki jingbam mynstep na ka bynta ki khynnah kiba naduh 3 snem haduh 6 snem kyrtu ha ki Anganwadi centre, hynrei katkum ki jingujor na kiba bun ki shngong kynthup ia ka Khliehriat la ong ba ki jingbam ki ioh tang shisien ha ka shibnai, ar ne wat lai bnai

Bteng sla 5

Sdang ka Behdieñkhlam ka Seiñraij Jowai bad pynpoi ia ka ‘Symbood Khnong’ ha ‘Loom Soo-iung’

Jowai, Naitung 06: Ka lehñiam Shad Behdieñkhlam jong ka Seiñraij Jowai kaba la tip kum ka ‘saw sngi lai miel’ kala sdang mynta ka sngi (Pynsiñ) jong ka 6 tarik hapdeng ka jingiphuh iphieng ha ryngkat ka jingrisa bad ka jingud ka Bom ka Bhuri da ka jingiashim bynta ki khun ka Chilliang Raij (Khon Raij)

Bteng sla 7



Dawa ka KJCLF ban wanrah ka Sorkar da ka Resolution hapoh ling Dorbar Thaw Aiñ ka jylla

Shillong, Naitung 7 : Ka Khasi Jaintia Christian Leaders Forum (KJCLF) mynta ka Lah Sngi U Blei u la pynpaw ka jingsngewnguh ia u Myntri Rangbah ka jylla u Conrad K Sangma uba la ialam ia ki Nongialam niam bapher bapher ban pynpaw ka jingsngewkhia jur halor ka jingwanrah jongka Sorkar

Bteng sla 7

Lajan 30 snem la iaid ki jingdawa ban ioh jingithuh riwulum ki jaitbynriew Lalung Tawa na Meghalaya

Shillong, Naitung 06: Ka ka jaitbynriew Lalung Tiwa kiba don antad 10,000 ngut eiei ki nongshong shngong kiba hap hapoh ka Hima Khyrim kiba dei ki riwulum ha kane ka jylla Meghalaya ki la iathuh ba ki la iaksaid naduh u snem 2000 ban ioh ia ka jingithuh na ka jylla Meghalaya ha kaba iadei bad ka syrnot Schedule Tribe

Bteng sla 7

"Ngi ju thep vote MLA bad MDC sha Meghalaya, kumno ym pat ithuh riwulum ia ngi," ong u Bah Obress Kholar

Shillong, Naitung 06: U Bah Obress Kholar u ba dei u Chairman jong ka Dorbar Raid Basan uba la wan ban iashim bynta ban dawa ithuh riwulum noh ia ki Tiwa Lalung, u la ong ba ki ioh ban thep Vote ha ka elekshon sha ka ling Dorbar jong ka United Khasi-Jaiñtia Autonomous District Council bad mynta ka Khasi Hills Autonomous District Council hynrei ia ki pat ym shyam la ithuh kum ki riwulum kane ka jylla Meghalaya.

Na ka liang jong u, u la buh ka jingkylli ia ka sorkar

Bteng sla 7

Hiar ka jingpynmih mar rep bym biang shuh ka dor ha iew ha hat

Nongstoñ, Naitung 06: “Ka jingpynmih ia ki mar rep ha ka jylla Meghalaya katba nang mih ki sngi ka la nang duna watla ka jingbun brieve pat ka nang kiew man la u snem. Kumba 75% na ki paidbah nongshong shngong hapoh ka jylla ki dei kiba im ha ka rep ka riang khamtam

eh ha ki nongkyndong. Hynrei ka rukom rep pat ka long tang ban pyrthuh bud ia kiwei bad ruh namar ba kim don kiwei kiwei ki kam ban trei”, ong u Bah S.Kharbani uwei na ki nongrep ha ka thaini Nongstoñ.

Haba pynpaw halor ka jinghiran ka ioh ka kot, ka

jingbym biang shuh ka jingpynmih mar rep bad ka jingkhlem kam khlem jam u la ong, “La jan baroh nongshong shngong khamtam eh ki samla kiba la pynlut ia ka por jong ki ha ki jingpule, ki ud ki nam bad ki bynñiaw ba kim ioh kam sorkar katba

Bteng sla 7

Mynta u bnai lah ban shimrai khatduh ka sorkar halor ka Them Metor

Shillong, Naitung 06 : U Symbud Myntri Rangbah ka khmih ia ka Tnad Urban Affairs u Ma Sniawbhalang Dhar ha ka Lah Sngi U Blei ula ong ba ka Sorkar Jylla ka kyrmen ban lah shim rai khatduh noh ia ka jingtyrwa

pynkynriah ia ka Them Metor na Them Iew Mawlong hashuwa ban kut une u bnai.

U Ma Sniawbha u iathuh ba ka dang sah sa kawei ka jingialang hashuwa ba ka Sorkar kam shong bisar ia ki

Bteng sla 7

Lah ban leh sniew ki khynnah skul ha kane ka Eksam Shiteng Snem, 2026

Ka Result jong kane ka Half Yearly Examination mynta u snem 2026 ka lah ban hiar bha bad bun na ki khynnah skul bapli (innocent students) ki lah ban liem bad kylla lyndang ei (failed) ha ki subject bapher bapher khamtam ia ka subject Maths bad Social Science. Ka jingmut dur jong ki Kmie ki kpa (parents) ne ki nongpeit nongsumar jong ki khynnah (guardians) ka lah ban kylla

khongpong ei kha-ma-kha hadien ba ki la ioh ia ka Result Half Yearly Examination jong ki. Ki don bun bah ki daw balei ki khynnah kim lah satia ban leh bha mynta ka sien (half yearly exam.) 2026. Ki Kmie ki kpa ne ki nongpeit nongsumar (guardians) jong khynnah ki lah ban kyngnoh (blamed) ia ka skul ne wat ia ki Nonghikai jong ki ruh, hynrei kam dei satia kumta.

Ki daw bah tynrai (root causes) jong ka jingliem lyndang (failed) jong ki ka dei beit na ka jingleh kulmar ka sorkar (Edn. Dept.) kaba la pynkylla tdong-tdong, khlieh- khlieh ia ka Exam ki khynnah khlem da pyrkhath ba kan ktah shi kat dei eh (badly affected) ia ka jingpule jong ki khynnah bapli khamtam kito ki khynnah kiba shu pdeng (average students) bad ki

khynnah kiba kham duna shuh shuh (below average students).

ia ki khynnah kiba state te (above average students), phi pynkylla kyrkieh ruh, kam da ktah than ia ki.

Ki Kmie ki kpa bad ki paidbah baroh ki dei ban tip shai kdar ba mynta u snem 2026 naduh ka Half Yearly Exam, ka Routine bad ki jingkylli jong baroh ki subject la ai bad set hi da ka

sorkar lyngba ka Edn.Dept. Ka sorkar ka phah hikai bun bah ki lynnong (chapters) haduh ba la shu thngian jubor just ia ki khynnah tang ban pyndep ia ki lynnong ba bun namar ki ong ban set jingkylli lut ia kita ki lynnong kiba ki la bthah.

Don ki subject ba ka DERT (Edn.Dept) kam ai jied (no choice) ia ki khynnah bapli. Don ruh ki jingkylli kiba artatien ki khynnah ban

jubad bad kumta ter. Kaba shu kohnguh katba bthah ka sorkar ka long pynban ka jingma bad jingktah ia ka pule puthi ki khynnah.

Ka Routine ruh ki pynkylla katba mon shu kynsan kynsan katba ki sngewbit. Ka Social Science kaba dei ha ka sngi 23-06-2026 ki shu rah kyrkieh tang shi miet ar miet sha ka 30-06-2026 nalar ba ka 29-06-2026 ka la dei lypa ka subject Maths, ka subject

-Babu Kular Khongjirem

kaba ki khynnah ki kham shem jingeh. Kumno ka subject Maths bad Social Science kin shu pynlong ter ter baroh ar sngi syndon khlem pyrkhath ban ai off day ia ki khynnah bapli. Katba naduh 22nd haduh 26th June 2026 pat (baroh shi taiew lynter) ki pynlong tang shi subject baroh shi taiew lynter, kata, tang shi sngi ha ka sngi 25-06-2026, lait nangta ym don exam baroh shi taiew.

Ha ki sngi ai Result bun ki khynnah kin sngewsih, bun ruh kin iam paid dohnud. Hato! Kata ka jingiam paid dohnud ki khynnah kam ktah seh ia ki Kmie ki kpa ki ban wan shim synran lang ban wan shim lang ia ka result bad ki khun lajong. Ki Kmie ki kpa jong ngi hangne ha Ri Khasi-Jaiñtia kidei kiba shu hun bad kohnguh bad ngeit sneng

Bteng sla 7